

Inatsisartut suleriaasiat § 37 malillugu immikkoortoq 1 naapertorlugu matumuuna Naalackersuisunut apeqqut imaattoq saqqummiuppara.

Naalackersuisunut apeqqut:

- 1. Suleqatigiisitap aalisarnikkut Kangiani periarfissat suut sammisarivai?**
- 2. Suleqatigiisitap qaqugu suliani naammassisaq naatsorsuutigaa saqqummiutissallugu?**
- 3. Pilersaarutit malillugit suleqatigiisitaq suliaqarpa?**
- 4. Suut suliniutit Kangiani inuussutissarsiornikkut siuarsaaneq nukittussarniarlugu Naalackersuisut aallartisarpaat?**
- 5. Suut siunissami suliniutissat pilersaarusioneqarpat Kangiani inuussutissarsiornikkut siuarsaanissaq siunertaralugu Naalackersuisut tungaanniit?**
- 6. Suut Kangiani inuussutissarsiornikkut suliniutit ataqatigiissaakkat Naalackersuisut tungaanniit suliniutigissallugit uani qinersivimmi naammassisimavaat?**
- 7. Suut siunissami Kangiani inuussutissarsiornikkut suliniutissat Naalackersuisuniit pilersaarutigineqarpat?**

(Inatsisartunut ilaasortaq, Jens Napätök', Partii Naleraq)

Tunngavilersuut:

Kangiani suliffeqarfinnik pisariaqartitsilluinnarput. Tamannalu ataasiarani mumeqattaarneqartarnikuuvoq ineriartornermik kinguneqanngitsumik. Oqaluinnaq nerriviup qaanut nerisassanik ilioraaseqarsinnaanngilaq qaarsillartitsillunilu.

"Kangiani aalisarnej pillugu nalunaarusiami", novembari 2018-imi saqqummersumi atuarneqarsinnaavoq Naalackersuisut innersuussutigineqartunut tapersersuisut, uanilu suleqatigiisitamik pilersitsisoqarnissaanik aallartitsisoqassasoq oqariutuutigineqarluni. Nalunaarusiami takuneqarsinnaavoq SBC, Kommuneqarfik Sermnersooq aammalu Inuussutissarsiornermut Naalackersuisoqarfik suliniutinik aallartitsisimasut, tamassumallu aalisarnikkut aalaakkaanerusumik ingerlatsisoqarnissaa ujartorneqarluni. Ilanngullugu takuneqarsinnaavoq Naalackersuisut kommunit peqatigalugit pikkorissarnernik aaqqissuussisimasut.

Ilanngullugu takuneqarsinnaavoq innersuussutigineqartut ilaatigut innersuussutitaqarmata *"ESU aqqutigalugu umiatsiaaqqat agguanneqarsimasut kingunerissamassuk Kangiani pisassiissutit*

Inatsisartunut ilaasortaq Jens Napätök'

Imaneq 1, Postboks 4120, 3900 Nuuk, E-mail.: jnaap@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866



partii naleraq

Nuuk 02-07-2019

amerlineqarnerannik. ” Tamassumallu malitsigisaanik innersuussutigineqarpoq ”*Kommunip Namminersorlutik Oqartussat suleqatigalugit tunitsiviliisoqarsinnaanermik periarfissaqarnersoq misissorneqassasoq.*”

Apeqquutit ullut qulit suliffiusut iluani akineqarnissaat kissaatigaara

Inatsisartunut ilaasortaq Jens Napätôk´

Imaneq 1, Postboks 4120, 3900 Nuuk, E-mail.: jnaap@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866